

Zeitschrift: Nebelspalter : das Humor- und Satire-Magazin
Band: 87 (1961)
Heft: 45

Illustration: Das kleine Häuschen [...]
Autor: Urs [Studer, Frédéric]

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 14.05.2025

ETH-Bibliothek Zürich, E-Periodica, <https://www.e-periodica.ch>


Am Hitsch si Mainig



Bis jetz hanni gäär nia asoo richtig gwüsst, daß i a grooßa Tiarfründ gsii bin. I hann nemmli Khüngali züchtat. Und i hann dia Khüngali khoga gäära khaa. Am Suntig zMittaag als Broota. Und uss da Pelz hätt miini Mama miar eersch no Pelzkhappa gmacht und da Schwöschtera Khrääga an dMental. Also sind au miini Schwöschtera Tiarfründ gsii. Nemmli jeeda, wo a Tiarli uufzücht zum Tööta und zum Gäld mahha, isch a Tiarfründ. Das schtoot inama Insaraat im Khuurar Amtsplettli dinna. Tiarfründ hejandi a priima Nääbatärwärb, wenna Tschintschilja züchta tejandi. Härzigi khliini Nagetiarli, wo dia ganz Famillja Fröud draa hej, wells nitt schtinkha tejandi und ganz suubar sejandi. Und was anama richtiga Tiarfründ am maischta Fröud mahhi: zwai tuusig Schtütz und wemma well, sogäär a paar Mool mee luagandi ussa, wemma denna liaba Tiarli zFäll übar d Oora züühhi. zNootwendiga Aafangs-Khapitaal sej ap öppa zwai tuusig Frankha. («Ap» isch guat!) I findas aifach abitz kharioos, wemma zGschäftlimahha ins Mentali vu dar Tiarliabi schteckha muaß. Und da Tschintschilja trau i gad gäär nitta. Das haißt, da Tschintschilja teeti schu traua, abar denna nitta, wo so Tiar- und Mentschfründ sind, daß dan andara Lütt ums Tüüfals wend Tschintschilja aahenkha. Warum mahhand dia Zuchtfarma aigantli das Bombagschäft nitt sälbar?? Wenn dia Tiarli asoo ring und bekhweem zhalta sind, wias in denna Insaraat dinna haißt, so gsähhi würkhli dar Grund nitt ii, warum ma uß dar Zucht a Nääbatärwärb mahha muaß. I hann au glääsa, daß dPelzhendlar sich um dia Tschintschilja-Fäll riissa tejandi. Druf hanni anama bekhannta Pelzhendlar aaglüütat und na gfroogat, öb i au Tschintschilja züchta sölli. Jöössas, Hitsch, hätt är gsaid, laß Pfigara darvoo. Vor a paar Jöörli sind zAmerikha deena Millioona Dollar verloora gganga, wo dia ganz Tschintschilja-Zucht zemma khejt isch. Wenn Du abar witt, daß Diar zFäll übar d Oora zooga wird, denn khauf a paar Tutzand Tschintschilja ...

Splitter

Leute, die Hunde wie Menschen behandeln, behandeln oft Menschen wie Hunde. FK



Das kleine Häuschen draußen vor der Stadt

